

Umulalilo



Imbila ya kusansamusha iyo Munyina Peary acitupela nomba line fye ukufuma mu Cebo ca kwa Lesa. Ifyo cabe cishinka ukuti “Tula mutwishika Lesa muli fimo no kupele nshita Lesa; kabili Ena Wamuyayaya, teti tucite cilya.” Eico muno bushiku twalalolesha pa cintu cimbi nomba, neci mulalilo.

² Pa myaka itatu nalilolele ulukuta ukwisa mu Tucson, lelo luli kuno. Yeah, tuli—tuli kuno. Eico tuletotela Shikulu, Atulengele fye ukulolela mpaka nomba tuletasha pali cena.

³ Nomba, kuli icintu cimo ico ndefwaya ukusosa lintu fye tatulatendeka umulalilo, neci nici, icakutula ndecetekela ukuti natumona ifingi mu bushiku bwesu ubo tuleikalamo, ukuti tulingile mucine cine ukupela (onse) umubili wesu onse kuli Lesa. Tu—tulingile cine cine ukubombela Lesa. Ndecetekela ukuti Natupala no bwasuku ubwalingana fye na Malembo. Nge fyo Munyina Peary acipela pa kashita akapitapo, ukuti ifwe—tuli—tuli pali ilye nshita. Tatuli impofu, tu—tu—tulemona ukuti tuli pano, na—natufika.

⁴ Kabili kuti twalo lekesho mumbali no kumona ukuti umusango uo amano ya buntu yalefuma pa bantu. Ukuti, te—te, kuti twikale inshita ntali, kuti twaba fye mukati ka cikulwa ca mashilu, isonde fye lyonse kuti lyaba. Mwamona? Eico tu—tuli pa nshita ya kulekelesha.

⁵ Nomba, nge fyo Munyina Peary acilekelesha palya, ukumona ifi fintu fya cine, mulemona ukuti fya cine, tafyaba utushimi. Te fintu fye fimo ifyo twelenganya. Fyaba ifintu fimo ifyo ifyapelwa kuli ifwe ku Cebo ca kwa Lesa no kumonekela ku cintu bwingi pa finso fyesu, icakuti twalishiba tuli pano. Tu—tatwishibe inshita iyashalako nomba, pantu nakabili tulabwelela ku nkoloko, mwamona, ninshita nshi. Lelo tuli ba...twalishiba tuli—tuli pano; tuli pali ilye nshita. Nga ninshita ya kwa Lesa, kuti naelenganya...

⁶ Umuntu umo apele ubulondoloshi ubunono inshita imo ubwasosele kuti nga Lesa abikile kuli wene ukulingana... nga Alipele inshita, imyaka ikana limo—limo lyaba fye ubushiku bumo. Eico ngo muntu aikela imyaka yakufyalwa amakumi cine lubali, kuti caba fye amaminiti yanono ya nshita ya kwa Lesa. Mwamona? Cisuma, kabili atile kuti caba imyaka amakumi yane, cilya teti cipilibule nangu ninshita, nakalya, kuti Akapa kapa ilinso Lyakwe. Mwamona? Mwamona, filya

efyo ipita bwangu, icintu fye conse, nga—nga kuti yabe nshita iyapelwa; icaba, Takwata inshita nangu imo. Eico Ena aba fye Uwamuyayaya.

7 Ndecetekela cali ni Sara kunuma kulya...atemwa, awe, Joseph, inshita ya bushiku bumo, atile kuli ine na Munyina Peary, atile, “Tata, nikwi, nililali ilyo Lesa aishile monekela? Nikwi uko Afumine?” Mwamona? “Alingile ukukwata intendekelo, bushe Takwete? Bushe Talingile ukutendeka?”

8 Natile, “Awe. Icili conse icakwate ntendekelo calikwate mpela, lelo ni cilya icishakwete ntendekelo e cishikwate mpela.” Lelo, nangu, ali ne myaka yakufyalwa ikumi limo, cilya cali icamusango ica—ica mashiwi ayengi ayene yene kuli ena. Mwamona? Kabili kuti apokelela shani cilya, ukwishiba ukuti cintu cimo icishatalo kutendeka? Te kuli ena eka, caba nakuli ine wine. Nomba, mwamona, caba icakunkola nganshi ine, umusango caishile tendekelamo.

9 Nomba tulepekanya ukumona icintu cimo pano ico icili ca bukata icine cine.

10 Balinjitile pa nshiku shinono ishafumako, kuli umo umwaume Umwinakristu umusuma nganshi uyo—uyo ushatalile uku kwatapo ici, kabili alyumfwile ukuti twalekwata umulalilo filya fine fye. Bala cibula ifyo beta “isenge lya ku mupashi.” Kabili caba, ukulingana nge fyo *isenge*, kuti nasosa nati cilifye bwino, pantu *ukulanshanya* “kulanda kuli,” mwamona. Kabili na munyina acimpela ili Lembo, atile, “Munyina Branham, bushe tauletontankanya nomba...”

11 Nomba, umulandu ndesosele ci...Cili fye bwino, Munyina Peary? [Munyina Peary Green ayasuka, “Cacine.”—Ka.] Mwamona, ulya e mulandu ndesosele ci, pakuti mwingeluka ifyo mulecita. Teti mucite...nga mwaya mucili conse abapofula, ta mwishibe nikwisa, ico mulecita. Teti mukwate nangu ukutetekela nga tamwishibe ifyo mulecita. Lelo mulingile ukwiluka ifyo mulecita kabili no mulandu muleficitila.

12 Atile, “Nomba nga tulelye Cebo cakwa Lesa, bushe ulya te Lesa uo tulelya.”

13 Natile, “Cishinka cine cine, mukwai, ca cine. Lelo tulebelenga pano ukuti bena ifyo bacitile...Paulo asambilishe ukulya umulalilo wakwa Shikulu filya fine fye. ‘Mulecita ici ku Kunjibukisha,’ efyo Yesu asosele. ‘Ilyo lyonse mulye ci nimu Kunjibukisha, mubile mfwa ya kwa Shikulu Akasuke esa.’” Mwamona? Nomba, tulingile ukulye ci.

14 Tuleumfwo kuti Paulo Washila, uwa ciletele Mulukuta, pakuba kasesema uwa mu Cipingo Cipyia. Petro, James, Yohane, bonse fye, balembele (cinshi, Mateo, Marko, Luke) ifyo

Yesu acitile, nga bakalemba. Lelo Paulo abikile ici cintu mu nshile yalinga, ali ni—ali ni kasesema wa mu Cipingo Cipyia. Nga filya Mose aile mu ciswebebe ku kupokelela ukuputwa ukuti alembe ama—ama Buku yasano ya—ya...ama Buku yantanshi yasano aya mu Baibele, cisuma, Paulo nao aile mu ciswebebe no kupokelela ukuputwa ukufuma kuli Lesa, ku kubika Ulukuta lwa mu Cipingo Cipyia mu nshile yalinga no ku Lupashanya ku Lwakale.

¹⁵ Kunuma kulya bakwete ilambo lya mwana wa mpaanga, cilya Israel asungile nge cibukisho. Cali bomfiwepo inshita imo, ukufuma mulya mu Egupti. Lelo kanshi basungile cilya nge cibukisho mu nshita fye yonse. Cisuma, “nge funde pakuba icinshingwa ca fintu ifikesa,” mulemona.

¹⁶ Nomba, nalicetekela ukuti *umulalilo* (ico twita “umulalilo,” nomba) kucite ca...caba “umulalilo wa kwa Shikulu.”

¹⁷ Nomba, twakwata fye amafunde yatatu aya kumubili aya Bulesa ayashilwe kuli ifwe: imo pali aya lyaba—lyaba umulalilo; ukusamba ku nkasa; ulubatisho lwa mumenshi. Ifi e fintu fye fyeka fitatu. Uko e kupwililika, kwa fitatu, mwamona. Kabili aya e mafunde fye yeka yatatu twakwata. Tulemono kuti cilya yali imicitile iyapelwe na Paulo Washila mu Cipingo Cipyia.

¹⁸ Nomba, nga kuti twasosa “umulalilo ulingile ukuba fye ukusenda Icebo,” nshilecetekela umuntu onse alikwate nsambu ukulyako umulalilo wa kwa Shikulu mpaka abula i—i Cebo ca kwa Shikulu mu mutima wa kwe. Mwamona? Pantu nalaisa... Nalabelenga icintu cimo kuli imwe mu ma miniti yanono kabili mwalaisa mona. Nomba, moneni. Kanshi, cinshi nomba twinga—twinga...

¹⁹ Pa cintu cimo cine kuti twalungamika ba Salvation Army mucine cine. Tabacetekela umusango uuli onse uwa lubatisho lwa mu menshi, batila, “Tatulukabila.” Nomba, nga tatulelukabila ulubatisho lwa mu menshi, cinshi tubatishiwila? Batila, “Amenshi teti yamupusushe, Umulopa e umupususha.”

²⁰ Nalasumunishanya ne co. Ukuti—ico cine, Umulopa ulamupususha, te menshi. Lelo *tulingile* ukusenda amenshi nge cilangililo icakunse ukuti umulimo uwamukati uwa nkumbu naucitwa. Mwamona? Efyo naifwe tulingile ukucita pa mulalilo!

²¹ Ilyo twabula Shikulu, Ilambo lyesu, muli ifwe, nge cintu ca kufyalwa ku mupashi muli ifwe, kabili no Mubili Wakwe, twikalila muli Wene ukupitila mu Cebo, naifwe bene tulingile ukucilangisha pantu lifunde. “Lapileni, onse uwa muli imwe kabili mu batishiwe mwi Shina lya kwa Yesu Kristu ku kulekelelwa kwa membu shenu.”

²² Paulo atile, “Nimpokelela kuli Shikulu cilya ico napele kuli imwe, ‘Ukuti Shikulu Yesu mu nshita ya bushiku bumo bwine ubo Alefutukwamo abulile umukate, no kumokaula no kupela ku basambi, kabili—kabili atile, “Buleni no kulya, citeni ici ku Kunjibukisha.” Pantu ilyo lyonse mwalya uyu mukate, mubile mfwa Yakwe akasuke Akese.” Nomba tulesanga ukutila, muli cilya, balikwete abantu abaleisa no ku. . .

²³ Uyu munyina uwawamisha, munyina uwatemwikwa nganshi, alishile kabili atile, “Nshata—nshatala ukubukwatapo, Munyina Branham, nshicumfwa ifyo caba.” Atile, “Nalisambilishiwa imbali imbi.”

²⁴ Natile, “Lelo ibukisha, tuli no kusumina ukuti Paulo Washila acibikile mu nshila yalinga mu Lukuta lwa Bwinakristu ulwa kubalilapo. Baleya ukufuma mu lukuta. . . ukufuma pa ng’anda ne ng’anda, balemokaula umukate no mutima umo, na fimbipo. Nomba,” Natile, “ali cibikile mu Lukuta. Abena Galatia 1:8, atile, Nga ni malaika wa mu Mulu aisa no kusosa ifintu fimbi, lekeni abe uwatipwa,’ mwamona, mwamona, umuntu umo wine uwalengele ukubatishiwa nakabili ukufuma ku lubatisho lwa kwa Yohane, ku ku batishiwa mwi Shina lya kwa Yesu Kristu.”

²⁵ Mwamona, kwaba ifintu ifyo tulingile—ifintu fitatu ifyo tulingile ukucita nge filangililo: umulalilo wakwa Shikulu, ukusamba ku nkasa, ulubatisho lwa mu menshi. Mwamona? Kwaba. . .

²⁶ Mwatila, “Cisuma, ba. . .” Nomba, ba Salvation Army bacibula ukufuma pe lyashi, “Umupupu walefwa, ilyo afwile tabatishiwe iyoo, Yesu atile ali no kuba mu Mulu.” Cilya ca cine nganshi. Cilya nifilya fine. Lelo, mwamona, ena—ena—ena aishibe fye Yesu lilya line mu nshita ilyo alefwa. Mwamona? Lilya e lyali fye—lilya e lyali fye ishuko akwete. Ali—ali mupupu, ali ukutali, ali kunse. Kabili ena, lilya line amwene lulya Lubuuto, ali Lwishibe, “Shikulu, mukanjibukishe!” Kabili Yesu. . . Cilya cali cishinka.

²⁷ Lelo kuli imwe na ine fwe baishiba ukuti tulingile ukubatishiwa, kabili twakana ukucicita, lyena ico cikaba pakati ka imwe na Lesa. Icintu cimo cine ku mulalilo!

²⁸ Nomba, ilyo tulekwata uyu mulalilo, tacaba fye icintu ica kusosa, “Naisa kuno kabili nalalya umukate, kabili nalacetekela ukuti ndi Mwinakristu.” Lelo, nga mwamona, Baibele yatile, “Uyo ukalya napamo ukunwa mu musango *uushiyene* akaba no mulandu ku Mubili no Mulopa wakwa Shikulu.” Mwamona? Mulingile ukwikala ubumi ukuti—ukuti. . . ku cinsu ca bantu, ukuti. . . kabili ku cinsu cakwa Lesa kabili na bantu, ico icilelangisha ukuti mwaba—ukuti mwaba aba bufumacumi.

²⁹ Nomba, pakashita akataliko. Nomba, mu Cipingo Cakale ilyo ilambo lya pangilwe a—a amalango nangu ifipope. Kabili eico ulubatisho lwa mu menshi cipope; eico no kusamba ku nkasa cipope; eico no mulalilo wakwa Shikulu cipope. “Alipalwa uyo ucita ifipope Fyakwe fyonse, uusunga amalango Yakwe yonse, amafunde Yakwe yonse, pakuti enga kwate nsambu shakwingila mu Cimuti ca Mweo.”

³⁰ Nomba, moneni muli ici nomba, ukuti muli cilya intanshi, ilyo cali intanshi icipope cakwa Lesa ku kuleta ilambo ku lukuta, kabili na kwi tempile na ku cipailo, no kupela icabupe cenu, kabili—kabili na pa membu shenu, ilambo lya mwana wa mpaanga. Cisuma, kuti naelenganya ukumona fye munyina umo umu Yuda aleisa mulya mu musebo, ukwishiba ukuti ali no mulandu, kabili aleya ku cipailo; nangu aleta ing’ombe yakwe iyaina iyana atemwa ing’ombe ilume, atemwa icili conse ico akwete, atemwa suku suku, umwana wa mpaanga, icintu cimo. Ailetele ukupita mulya mu musebo ukuba fye uwa bufumacumi nge fyo engesa, alyendele ukwisa kulya, ukusunga ifipope fya kwa Lesa ukuba fye uwa bufumacumi nge fyo engaba.

³¹ Elyo abikile indupi shakwe pali yena, ukuyebelela imembu shakwe, kabili na shimapepo ukubika ici (imembu shakwe) palya pa mwana wa mpaanga, kabili no mukolomino wa mwana wa mpaanga waliputwilwe, kabili—kabili elyo ali mufwilile. Kabili ilyo alele palya, umwana wa mpaanga umunono ukupantawila no kusumyo mulopa, indupi shakwe ishaisulamo no mulopa, kabili wene uku musabukila konse fye, (umwana wa mpaanga umunono alekoloma, alefwa), kuti ailuka ukuti ali bembwike kabili icintu cimo calingile ukufwa mu cifulo cakwe. Eico kanshi, alepele lambo lya mfwa lya mwana wa mpaanga uyu pa mfwa yakwe. Mwamona, umwana wa mpaanga afwile mu cifulo cakwe. Elyo ulya muntu acitile cilya no bufumacumi, ukufuma mu kati ka mutima wakwe.

³² Pakulekelesha, calecitika libili libili, libili libili calitwalilile ukulacitwa mpaka pakulekelesha caishileba ulutambi. Ifunde lya kwa Lesa lyaishile ba ulutambi ku bantu. Elyo kabili uyu aleisa kulya, “Cisuma, katumone, uyu ni *kampanda-na-kampanda* lelo, nalimo njeko kulya. Yeah, ningile ukupela i—ing’ombe ilume.” Alile kulya, “Cisuma, Shikulu, iyi pano ing’ombe yandi ilume.” Mwamona, ta mwali ubufumacumi muli cena, takwali kwiluka kuli cena..

³³ Nomba, tatulefwaya ukukwata umulalilo nga filya. E cintu cimo cine ilyo tuleisa kwi tebulo lya kwa Shikulu.

³⁴ Esaya 35...awe, munjeleleko, Esaya 60...Lekeni nsende cilya nakabili. Nde—nde—ndecetekela ni Esaya 28, e pantu tulesanga ici. Ndi uwashininkisha cilya e cipandwa icilingile. Atile, “Ifunde pe funde; umulingo pa mulingo umulingo pa

mulingo; akanini apa, akanini palya. Ikatilileni kuli ico icabe cisuma. Ku kulongofyanya kwa milomo kabili mu ndimi shimbi eko Nkalandila kuli aba bantu. Kabili uku e Kutusha.”

³⁵ Kabili atile, “Amatebulo yonse aya kwa Shikulu na yesulamo amalushi. Nani Ningafunde Sambilisho? Nani Ningalengo kwishiba?” Mwamona? Ndetontontonya lilya e lyali Ilembo ililingile, Esaya 28. “Nani Ningalengwo ukwishiba Isambilisho?” Mwamona, “amatebulo.”

³⁶ Nomba, tulesanga ukuti icintu cimo icikalamba ilelo ico tulepanga ukucita muno bushiku, mu kwibukisha imfwa Yakwe kabili no Mubili Wakwe uo twacetekela ukuti tulalya lyonse, atemwa, twacipwisha fye ukulya nge fyo munyine fwe acitushimikila. Ukusenda Icebo cakwa Lesa, twali Cicetekela ne mitima yesu yonse. Tula Cimona ukulangishiwa; tula Cimona ukupelwa kuli ifwe; tula Cimona ukushininkishiwa; tula Cumfwa mu bumi bwesu. Kabili tulingile ukwisa kuli ici na kampingu uwashika pafyo tulecita, te pa mulandu fye wakutila lifunde.

³⁷ Nga mwaya mu chalichi, kabili ilingi line bapela bisket iyakale atemwa fimo ifyapala i—icintu cimo, ukucimokaula, no mukate uwayanguka atemwa wa—atemwa icintu cimo, kabili—kabili no kucimokaula; kabili abantu abapepa, ukunwa, ne fintu fyonse ifyashala, pantu ni ba membala ba mu chalichi balesa no kulya umulalilo wakwa Shikulu. Cisuma, cilya camuselu ku cinso cakwa Lesa!

³⁸ Nangu li lambo, atile, “Inshiku shenu ishamushilo na malambo yenu nafitampa ukununkisha mu myona Shandi.” Lelo Alibasontele ukupanga lilya ilambo. Lelo inshila bacicitilemo, caishileba ica nunkisha, ukununka mu myona Yakwe (imyona Yakwe), ilambo line ilyo Asontele.

³⁹ Ulya e musango tusenda Icebo cakwa Lesa, abengi Abenakristu lelo (abaitung-kuba) balacita cilya. Tuleminina kuno no kusambilisha ici Cebo, no kusosa, “Yesu Kristu taba cimo cine mailo, lelo, no muyayaya,” no kusambilisha ifintu ifyo Atulaile ukuti Akacindika, kabili no kusosa, “Yangu, cisuma, cilya cali ca cintu fye cimbi,” ukupepa kwesu ukwa mucinshi kwasanguka fye icintu ica nunka mu nyona Yakwe. Takabupokelele, nakalya. Mu misango yonse. E mulandu wine, ku misango ya ntambi shesu!

⁴⁰ Ta mulya umulalilo wakwa Shikulu ku ntambi. Mulaulya pa mulandu wakuti citemwiko cakwa Lesa mu mitima yenu, mu kusunga amafunde ya kwa Lesa. Mwamona, cilya eco mu ulila.

⁴¹ Eico nga tamulecilya mu bufumacumi, caba fye lutambi, “Cisuma, ulukuta lwesu lulakwata umulalilo umuku umo cila bushiku pa Mulungu, atemwa umuku umo cila mweshi, atemwa imiku ibili pa mwaka,” kabili mwaima mwaya,

mwasosa, “Cisuma, ninshita yandi,” kabili—kabili elyo mwalyo mulalilo, cinshi, cintu canunka kuli Lesa! Mwamona, cilya caba fye lutambi.

⁴² Nangu kwati icintu icili conse, mu—mulingile ukuba uwabufumacumi. Lesa alefwaya mukati ka mitima yenu. Muleibukisha, ulya wine Lesa uwa muletele pano pe sonde Eo mulebombela. Mwamona?

⁴³ Mulecite ci pantu Ena eflyo Asosele, pantu lifunde Lyakwe. Kanshi tulefwaya ukwisa no bufumacumi ubwashika, ukwishiba ukuti mu nkumbu shakwa Lesa twali pusushiwa. Kabili twa—twali Mutemwa kabili tuleumfwa Umulola Wakwe, kabili tule—tule Umona ukupilibula ubumi bwesu. Ubuntu bwesu—bwesu bonse nabupilibulwa. Ifwe—ifwe—tuli abantu abaibela. Ta twikala nge fyo twaleikala, ta tutontonkanya nge fyo twaletontokanya.

⁴⁴ Kwati ni mwi Buku muno, kabili ne ciputulwa palya twalelanda pa ma—ma Buku yabili ukuba Limo, Ibuku lya Mweo. Ibuku lyantanshi ilya mweo ukwisa, lyali lintu mwafyelwe, cilya cali ukufyalwa kwenu kwa cifyalilwa. Mwamona? Lelo nombamba inshita imo, kulya kunuma mukati mulya, mwali akaluseke ka Mweo nge fyo nacilalondolola kuli ba nkashi bamo ku ng’anda muno cungulo. Mwamona, mwaba akaluseke akanono aka Mweo akekala mulya, ici mulesunguka, “Nikwisa Kafumine? Nifinshi—nifinshi ifi fintu ifyeni?”

⁴⁵ Nalesose fi, ukulangisha ine wine, kwati eflyo mwingasosa, “William Branham, cisuma, pa myaka amakumi yane yapitapo, William Branham, te ulya wine muno bushiku.” Nga cakuti umo kulya kunuma kuti asosa, “William Branham, aliumbi uwa bufi,” mwamona, pantu nafyelwe kuli ba Charles na ba Ella Branham. Mucifyalilwa cabo nali umubembu, naishile pe sonde, uwa bufi, kabili ne misango yonse iya mu calo yali fye muli ine. Lelo pesamba mulya, namo, mwali Icfyalilwa cimbi icalimo, mwamona, icalingilwe libela, cali mulya ukufuma kuli Lesa. Mu mubili umo wine uyu, mwamona, ififyalilwa fibili mulya.

⁴⁶ Cisuma, nabombele fye kuli cimo. Ilyo cale kula, na itile nga akanya, “Dad-da.” Icintu icakubalilapo na mwishiba, naishileba uwa bufi, naishileba fyonse ifyaba umubembu, pantu nakushiwe mu musango ulya. Lelo panshi palya pali akamukwenene akanono aka Mweo inshita fye yonse.

⁴⁷ Naleibukisha, ngo mulumendo umunono...(ndesubila nshile musunga inshita itali sana. Lelo ukwishiba...) Ukwikala mulya mu...pa—pa lulamba lwa mumana, kabili kuti naikala palya no kulolesha mumbali mu nshita ya bushiku. Batata na bamayo, baliya nombamba mukutusha. Kabili shilye nshiku bali ababembu, tamwali Ubwinakristu mu mayanda yesu nakalya. Kabili, owe, ine, ukunwa, kabili

amalila, kabili ne fyakucita cita; canengele ukulwala, kuti nasenda iyandi—inyali yandi kabili ne mbwa yandi kabili no kuya mu mpanga, ukuyaikala inshita yonse iyabushiku. Munshita ya mpepo naleya mukulunga mpaka amalila yapwa, limbi ulucelo ninshi nabuca. Naya ku ng’anda, tayalapwa, naleikala pa mulu wa mutenge no kulala, ukulolela akasuba ukuti katule.

⁴⁸ Elyo kuti natontonkanya ifyo inshita shimo, lilya pakuba kulya mu nshita ya lusuba, nabula, utukuni, twandi no kutubika pamo ku kucingilila impepo panono, nga yalilokele kulya; nalelala palya no kusha utulobo mulya mu menshi, ukulaloba; ne mbwa yandi ikote nailala palya. Kuti nasosa, “Lolekesheni pano. Namwishiba, inshita ya mpepo iyafumako naikele pano pene inshita imo mu bushiku, nakoseshe umulilo pano pene lintu nalelolela imbwa yandi ikote pano ukuti ikabe, kabili nalikwete umulilo pano. Kwalitalele sana amainches yasano ukuya mu mushili. Lelo, we kaliluba akanono, nikwisa uko wafumine?” Mwamona? “Cisuma, kabili nikwisa uko wafumine? Nani uwaishile kuno no ku byala? Kabili ni ng’anda nshi iyakaba umo ba kufumishe? Atemwa— atemwa inga pali cena, ni kwisa uko wafumine?” Mwamona? Kalya akaliluba akanono, kuti nasosa, “Cinshi, kwali talele sana, kabili ne fintu fyonse, kabili nakoseshe umulilo pa mulu pano. Kunse ya cintu icitalalika, palipo icintu icileto kukaba ukuba pano pa ci mulando icikulu icakale apo nakocele. Kabili lelo nomba uli pano, kabili uli uwa mweo. Nikwisa uko wafumine?”

⁴⁹ Cali ni cinshi? Kwaliko naumbi William Branham. Mwamona? Kacende akanono ka Mweo wa Muyayaya mukati mulya, ukufuma ku—ku—ku tubulungwa twa kwa Lesa, Icebo cakwa Lesa icabikilwe mulya. Cila umo umo muli imwe kuti atontonkanya ifintu fimo fine. Mwamona, Calebomba.

⁵⁰ Elyo nalolekeshe ku fimuti, kabili ndetontonkanya, “We bula, nalikumwene iwe ukulukuta umwaka uwafumako, kabili cinshi ubelele uko nakabili? Nikwisa uko wafumine? Nicinshi icakuleta kuno?” Mwamona, Cali niulya Umweo wa Muyayaya ukubomba mu mubili.

⁵¹ Nomba, elyo ubushiku bumo ilyo naleya ndeenda, lilye Shiwi Iyaishile landa, “Wikesha ukupeepa, ukunwa, na fimbipo.” Kabili abalumendo banono kabili na bonse baishile kulilako. Mwamona, kwaliko Icintu cimo ukulaenda.

⁵² Lelo pa muku fye umo naloleshe pa mulu, kabili natile, “Nshili umwana wa ba Charles na ba Ella Branham. Kuli Icintu cimo cileita.” Kwati ni ka kapumpe kandi akanono, “Nshili inkoko.” Kwabako Icintu cimo kulya ku mulu, ku ncende imo. Mwe Yehoba Mukalamba, Fyonse Fintu Mwaba, isuleniko! Ndefwaya ukwisa ku ng’anda. Muli Icintu cimo muli ine, icileita.”

53 Elyo naishile fyalwa libili. Bulyo Bumi ubunono bwalikele mulya, ubumi bwa menshi bwaitilwe pali Bwena, elyo Bwatendeke ukulakula. [Munyina Branham alisha iminwe yakwe imiku itatu—Ka.] Nomba, bulya bumi ubwakale bwali belelwo luse, ukubikwa muli bembwa wakwa Lesa ukukana ibukisha, ukukana ibukisha pali ine nakabili. Mwamona? Nomba twaba abalungamikwa (kwati fye tatwatala ukubembuka) mu Cinso cakwa Lesa.

54 Elyo twaisa kwitebulo lya kwa Shikulu, tulingile ukwisa nakatina, icitemwiko no mucinshi, uwa “Lolekesheni ifyo twali nokuba acibula ukuba Ena.” Mwamona? Lolesheni ifyo cali nokuba . . .

55 Kanshi, Paulo, ndetontonkanya, mukusose ci, “Eico kanshi, ilyo mwaisa capamo mukulya, mulepembana.” Cilya nici, mu mashiwi yambi, loleleni fye amaminiti yanono, pepeni, mulingulule mwebene. Kabili nga namwishiba munyina ali mulya, ali fye mupepi no kucita icintu cimo icalupela, atemwa icintu cimo, kabili nao, mulingile ukumupepelako nao. Mwamona? Mwamona, “mulepembana,” loleleni pali miniti, pepeni. Nga pali fimo ifyakukana umfwana pakati ka imwe babili atemwa icintu cimo, mwiesha—mwiesha ukucicita—mwiesha ukucicita, kabiyeni kawamyeni cilya intanshi. Mwamona? Kalungamikeneni cilya intanshi, pantu balefwaya ukwisa kuno abasangululwa fye nge fyo twingaba, kabili na matontonkanyo yakuli umo no mubiye kabili na kuli Lesa, kabili kuli umo no mubiye, elyo kabili tulakwata isenge ukushinguluka itebulo lya kwa Shikulu. Mwamona?

56 Kabili tulecite ci pantu tulepela ukutotela kuli Wene, kabili pakati ka umo no mubiye. Ukulyo mukate pakati ka umo na umo, ukunwo mwangashi pakati ka umo na umo, ngo Umulopa Wakwe no Mubili Wakwe.

57 “Kano fye mwalya Umubili wa Mwana wa muntu kabili no kunwa U Umulopa Wakwe, ninshi tamukwete Mweo muli imwe.” Mwamona? Mulemona, filya eflyo Baibele yasosa. Kano fye mwacicita, teti mube Umweo. Mulamona? Mwiswa mukuba nomba, sana nangu panono, ukulangisha ukuti muli ne nsoni mwebene ukwishibikwa nga Abenakristu, pa mulandu wa bumi ubo mwikala. Elyo kabili ici mucituntulu caba icilangisho. Elyo nga tamulecicita, ninshi tamukwete Umweo. Nga mwacicita ababulo kuba abalinga, muli no mulandu ku mubili wakwa Shikulu.

58 Icintu cimo cine na mu lubatisho lwa mu menshi. Nga twatila, “Twalicetekela muli Yesu Kristu, Alitupuswishe ukufuma ku lubembu, kabili twali batishiwa mwi Shina lya kwa Yesu Kristu,” cinshi, tuleta—tuleta umusebanya kuli Wene, tucite fintu ifyaba ifyalubana kabili tu—tukesa lipila pali filya. Kabili icintu nacimbi, ilyo twacita filya, tuleesha ukulanda cintu cimo no kucita cimbi.

⁵⁹ Bulya e bwafya kuli ifwe ilelo. [Munyina Branham atota indupi shakwe umuku umo—Ka.] Ifyo ndetontonkanya... Ndetila “ifwe,” ine, kabili no lukuta ulo Shikulu Lesa anenga ukulandako muli shino nshita shakulekelesha, ukuti twalicetekela twaba mu nshita ya kwisala. [Munyina Branham akonkosha pa pulupiti umuku umo.] Twalicetekela ukuti Lesa alitupele Mbila. Yalisontwa na Lesa, Yalishininkishiwa na Lesa, Yalilangishiwa na Lesa. Nomba tulingile ukwisa kuli Wene nakatina kabili ne citemwiko, kabili no kusanguluka kwa—kwa mutima na mano no mweo.

⁶⁰ Namwishiba, inshita ili nokwisa nombaline ilyo—ilyo icalungama pakati kesu cikaba...Mupashi wa Mushilo akalanda pa mbilibili nga filya Wacitile kuli Ananias na Safira. Ibukisheni, mwamona, ilya nshita ilefika. Mwamona? Kabili tuli ba...Nomba, mukebukishe fye cilya, mukamone, ukuti Lesa ali nokwikala pakati ka bantu Bakwe. Cilya eco Alefwaya ukucita nomba.

⁶¹ Kuti twapokelela Imbila, ngo kusosa...Nga nali umulumendo kabili—kabili nalefwaya umwanakashi uwa kuupa, kabili kuti nasango umwanakashi uwa kuupa, natile, “Ali fye uwapwililika. Mwinakristu. Mukashana. Abafye fyonse ifi, ninkwata ukucetekela.” Temulandu ukucetekela ninga kwata, umusango ntontonkanishamo ukuti aliba bwino, ningile uku musumina, alingile uku nsumina; mwamona, pali iyi milapo.

⁶² Cisuma, cintu cimo cine tusanga napa Mbila. Tulemona Yaliba fye bwino. Tulemona Lesa uku Ishininkisha ukuti Yalilungama. Yabe yalungama umupwilapo. Umwaka panuma ya mwaka, umwaka panuma ya mwaka, Ilatwalilila ukube yalungama, ukutwalilila iyalungama. Icili conse Ico ilanda, cilacitika filya fine inshila asoselemo. Nomba, twalishiba Yaliba iyalungama, lelo, mwamona, mwicicita ukufuma ku kwishiba kwa mano ya masambililo. Nga mwacita, ninshi mukwete bukapepa ubwabomfiwapo. [Munyina Branham akonkosha pa pulupiti imiku mutanda—Ka.] Mwamona? Tatulefwaya bukapepa ubwa bomfiwapo, icintu cimo ico umuntu umbi cacitikkle kabili tulefumako ku—ku bunte bwabo.

⁶³ Nge fyo nacetekela cali ni Yesu atile kuli Pilato, icintu cimo, ishiwi nacilatontonkanya, kabili Atile palya pakashita fye akanono akapita, “Nani uwa mwebele cilya?” Atemwa, “Bushe cali sokolwele kuli imwe? Musango nshi mwaishibe ifi fintu?” mu mashiwi yambi. Nshishibe fye ifyo ishiwi lili nomba, napapite nshita itali ukutula apo nalibelengele, lelo, “Musango nshi mwa—musango nshi mwamwene icinshi... Musango nshi...Nani uwasokolwele ici kuli imwe?” Pali Ena ukuba Umwana wakwa Lesa. “Nani uwacisokolwele kuli imwe? Bushe umuntu umo alimwebele cilya? Atemwa,” nge fyo

Yesu asosele, “bushe ni Tata wa mu Mulu uwacisokolola kuli imwe?” Mwamona? Mwamona? “Musango nshi mwacisambililemo, ica ku mweba fye atemwa bushe busokololo ubwapwililika ukufuma kuli Lesa?”

⁶⁴ Bushe uyu mulalilo cintu fye cimo cine ico ndekonka ukucita, ifunde, ukusosa “Cisuma, bonse abashala balabule ci, naine ndi no kucita”? Cena busokololo ukuti ndi cilundwa ca kuli Wene kabili ndi cilundwa ca kuli imwe, kabili nali mutemwa kabili Nao nalimutemwa, kabili tulelya ifi capamo nge cilangililo ca citemwiko cesu kuli Lesa, kabili icitemwiko cesu ne senge kuli umo no mubiye.

⁶⁵ Nomba ndefwaya ukubelenga fimo ukufuma mu Malembo. Elyo kabili ndetunganya. . .Nikwisa uko winga. . .Inshila ili yonse Munyina Peary alekabila lelo. Kuti nafwayo kuti mwabelenga pamo naine, nga namukwata ama Baibele yenu. 1 Abena Korinto, ici—icipandwa ca 11, kabili no kutendeka pa versi 23.

⁶⁶ Elyo kabili nacimbi, ku tabernacle yesu, lyonse tulacite ci no kusamba ku nkasa, lyonse, pantu fyendela capamo. Ndecetekela munyina alibilisha cilya “pali Citatu ubushiku” pa mulandu wa mabumba kabili tamukwete iyalinga ku. . . icipinda ku kwingishamo abantu palwa kusamba ku nkasa, bali nokucita—nokucite ci pali Citatu ubushiku.

⁶⁷ Nomba, versi ya 23 ya cipandwa ca 11 ca 1 Abena Korinto, kutikeni kuli Paulo nomba. Nomba ibukisheni, kabili sungeni ici mu mano, Abena Galatia 1:8, “lelo nga ni fwe bene atemwa ni malaika-wa mu mulu ashimikila kuli imwe imbila nsuma iyapusana,” (iyapusana ne yi Mbila nsuma iyo ashimikile) “abe uwakungwe cilai.” Mwamona?

Pantu ine nashililwe kuli Shikulu ico nashililwe na imwe, Icakuti Shikulu Yesu ubushiku alefutukwamo abulile umukate:

Kabili ilyo atotele, alimokawile, . . .no kutila, Buleni no kulya: ici mubili wandi, ulefwantwa pa mulandu wenu; citeni ci ku kunjibukisha.

⁶⁸ Nomba, lekeni njiminine pano pene, ku kusosa: lelo ukusenda umubili wakwa Shikulu Yesu Kristu muli uyu mulalilo, tacilepilibula ukuti ulya umulalilo mubili *utuntulu* uwakwa Kristu. Ico caba Katolika. Nshacetekela ukuti cilya caliba bwino. Ndecetekela kuti cipope fye ico Lesa apangile na ifwe, mwamona, te mubili ulya wine. Caba. . .Nomba, cine cine caba akaputulwa akanono akamukate ushatutumuka. Caba fye icipope.

⁶⁹ Nangu nalicetekela ukuti ulubatisho lwa kwa Yesu Kristu (mwi Shina lya kwa Yesu Kristu) mu menshi lulalekelela imembu shenu. Nshacetekela ukuti imwe. . .Ndecetekela kuti

mwabatishiwa akasuba konse...Nomba, nalishiba ukuti nalimo muli abantu abekele muno abafuma ku Apostolic church, ndepilibula, atemwa ba United Pentecost church, abo abasambilisha cilya. Lelo, mulemona, nsha—nshacetekela ukuti amenshi yalalekelela imembu. Atemwa, nga cali, ninshi Yesu afwile apafye. Mwamona? Ndecetekela ukuti caba fye icipope cakwa Lesa, mwamona, ukulangisha ukuti na mulekelelwa. Lelo ukubatishiwa pa mulandu wakupilibulwa, awe, nsha—nsha—nshacetekela cilya. Nshacetekela ukuti amenshi yalalekelela imembu.

⁷⁰ Nangu nalicetekela ukuti uyu mukate no mwangashi fyalikwatapo ifyakucita kuli imwe, lelo kusunga fye icipope ico Lesa atusontela ifwe ukucita. Mwamona? Ico cishinka. Ndecetekela ulubatiso lwa mu menshi cintu cimo cine. Ndecetekela cikankala kuli ifwe ukucicita, ukuti Alicicitile conse ku kuba icilangililo kuli ifwe. Kabili Acitile ci ukuba icilangililo kuli ifwe. Kabili Asambile inkasa ku kuba icilangililo kuli ifwe.

⁷¹ Nomba, “Mu musango umo wine nao,” versi ya 25:

Mu musango umo wine nao abulile ulukombo, kabili ilyo anwenemo, atile, Ulu lukombo Cipingo cipya mu mulopa wandi: citeni ci, lyonse ilyo mwanwamo, ni mu kunjibukisha.

Pantu ilyo lyonse... (Ibukisheni nomba!)... Pantu ilyo lyonse mwalya uyu mukate, no kunwena mu lukombo, mubile mfwa yakwa Shikulu akasuke esa. (Ukufika lilali? “Akasuke Akese!” Mwamona? Mwamona?)

Eico uyo onse ukalyo mukate uyu, napamo ukunwena mu lukombo ulu lwa kwa Shikulu, mu musango ushiyene, akaba no mulandu ku mubili no mulopa wakwa Shikulu.

⁷² Lekeni njiminine pali minite fye. Umulandu asosele ci, na mumona versi imbi apa, icipandwa na cimbi, apo asosele, “Ng’umfwo kuti ilyo mwa—ilyo mulongana pamo mulelya, mpaka no kukolwa pe tebulo lya kwa Shikulu.” Tabacumfwikishe, mwamona. Baleisa fye mukulisha, mwamona. Nga filya abantu bacita ilelo, ukwikala fye ubumi ubwa musango uli onse no kulya cilya. Mwamona? Atile, “Mwalikwata amayanda ukwa kulya, mwamona. Lelo, ici cipope ico tulingile ukusunga, mwamona.” Nomba:

Lelo umuntu ailingulule umwine, kabili elyo alyako umukate, no kunwena mu lukombo.

Pantu uulelya no kunwa ukukanaba uwalinga, ailila no kuinwena ukusekwa, pa kukanashininkisho mubili wa kwa Shikulu. (Mwamona?)

73 Nicinshi mwaba? Muli Abenakristu, mulekala ku cinso ca muntu onse nga Abenakristu. Kabili nga mwalye ci kabili ta mwikala nga Abenakristu, tamule shininkisho mubili wa kwa Shikulu. Mulebika icipunwisho mu nshila ya muntu umbi, mwamona, ilyo balemumona ukweshwa ukucite co kabili no ku kanaikala nge fyo mulingile ukwikala. Mwamona, tamuleshininkisho mubili wa kwa Shikulu. Nomba lolekesheni ifyo. . . ifyo icitipu ca cena caba:

Pa mulandu wa ici e co abengi ba muli imweabela abanaka kabili abalwala, na bengi balalilo twa mfwa. (Ukwilula ukwalinga ukwa ilyo shiwi, Munyina Peary, ni “ukufwa.” Mwamona? Mwamona, “abengi balifwa.”)

Nga kuti twa—nga kuti twaipingula fwebene, tatulingile ukupingulwa. (Mwamona, nga twaipingula fwebene tatwakapingulwe. Mwamona?)

Lelo pa kuba abapingulwa, tufundwa kuli Shikulu, ukuti twisekelwa pamo na ba panoisonde (Mwamona, tapali ukukumako ukuli konse kwi sonde.)

E ico, mwe bamunyinane, pa kulongana ku kulya, mulepembana. (Mwamona?)

Umuntu insala nga naimwikata, alye ku mwakwe, ukuti mwilonganino kusekwa. Kabili ifyashalako nkamutungulule ilyo nkesa. (Mwamona?)


74 Nomba, mu mashiwi yambi, mwilaisa fye ukulya cena nga. . . Nga filya nsosele pa kashita akapitapo, pali filya aba Yuda, ilambo lyabo, bena . . . Califye bwino, capelwe na Lesa, lelo caishilefika pa cifulo apo tabacicitile mubufumacumi nakatina kabili mu mitantinkile, elyo caishileba fye i. . . icanunkisha mu myona Yakwe.

75 Nomba, icintu cimo cine pa kwisa kwesu ku kulya umulalilo wa kwa Shikulu, ukuti, tulingile ukwisa ukwishiba ifyo tulecita. Nga filya nga mwaya muku batishiwa mu menshi mwi Shina lya kwa Yesu Kristu, na mwishiba ico mulecita, mulebika ku lukuta ifyo Lesa abika muli imwe, Kristu.

76 Ilyo twalye ci, cilalangisha ku lukuta ukuti “Nalicetekela Icebo conse ica kwa Lesa. Nalicetekela ukuti Ena Mukate wa Mweo uyo uwafuma kuli Lesa ukufuma mu Mulu. Nalicetekela Icebo conse ico Asosa ukuba Icine. Kabili ndekala na Cena mu kwishiba kwandi konse ukusuma, Lesa ukuba kapingula wandi. Kanshi, ku finso fya bamunyinane, ku finso fya bankashi yandi. . . Nshi—nshilapa, nshitukana, nshicita ifi fintu, pantu nalitemwa Shikulu, kabili Shikulu alishiba kabili alenjiminako ubunte. Kanshi, ku cinso cenu, ndelya

iciputulwa ca mubili Wakwe, ku kwishiba ukuti nshilesekwa pamo ne sonde.” Mwamona, mwacimone co, lyena ninshi lipalo.

⁷⁷ Kabili, ibukisheni, kuti napela amabunte ayengi pali ici, uko natwele cilya no kucilondolwela mu cipuna ca balwele, no kubamona ukuposhiwa.

⁷⁸ Ibukisheni, ilyo Israel alile icipasho caici, baendele imyaka amakumi yane mu ciswebebe kabili ne fyakufwala fyabo tafya talile ukulepuka, kabili baishile fuma ukwabula umo uwanakuka umo—umo pakati kabo, na bantu imintependwa ibili nge cipasho ca ici. Cisuma, inga cilya Calepashanyako cikacita shani? Nga cakutila umubili we lambo lya nama wacitile cilya kuli bene, inga Umubili wa kwa Yesu Kristu kuti wacita shani, Emmanuel, ukucitila ifwe? Lekenitube fye abakatina ilyo twaisa. Lekenitube fye abakatina umusango twaishibilamo ukucita, ukwisa. 

Umulalilo, Vol. 3 No. 1
(*Communion*, Vol. 8 No. 4R)

Iyi Mbila ukufuma kuli Munyina William Marrion Branham, yabalilepo ukuletwa mu cingeleshi pali Umulungu ulucelo, Disemba 12, 1965 pa Tabernacle ya ku Tucson, mu Tucson, Arizona, U.S.A., yalyambulwa ukufuma pali magnetiki tepu uwakopwa elyo no kupulintwa mu Cingeleshi ukwabula ukushamo nelyo cimo. Uku kupilibulwa kwa mu Cibemba kwalembelwe mu 1995 na ba Voice of God Recordings.

VOICE OF GOD RECORDINGS
P.O. Box 950, Jeffersonville, Indiana 47131 U.S.A.

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org